

# Stofnanasamningur

milli Greiningar- og ráðgjafarstöðvar ríkisins  
og eftirtalinna aðildarfélaga Bandalags háskólamanna:

Félags sjúkraþjálfara  
Félagsráðgjafafélags Íslands  
Fræðagarðs  
Iðjuþjálfafélags Íslands og  
Proskapjálfafélags Íslands  
um forsendur röðunar starfa við stofnunina.

Samningur þessi byggir á kjarasamningi fjármálaráðherra  
f.h. ríkissjóðs annars vegar og ofangreindra aðildarfélaga BHM  
hins vegar, dags. 6. júní 2011

## 1. Gildissvið

Samningur þessi nær til starfsmanna Greiningar- og ráðgjafarstöðvar sem starfa og njóta ráðningarkjara samkvæmt ofangreindum kjarasamningi fjármálaráðherra f.h. ríkissjóðs og aðildarfélaga BHM, sbr. grein 11.1 í þeim samningi.

## 2. Markmið stofnanasamnings

Samningurinn tekur hliðsjón af sérstöðu stofnunarinnar, eðli starfseminnar og skipulagi.

Samningurinn stuðlar að því að þróa og útfæra skilvirkta launakerfi sem tekur mið af þörfum, verkefnum og markmiðum Greiningar- og ráðgjafarstöðvar ríkisins. Samningur þessi hvetur jafnframt sérfræðinga sem starfa á GRR, til þess að auka hæfni sína, þróa sig og ná árangri í starfi. Launakerfi skal vera sveigjanlegt og gagnsætt og ákvarðanir um launaröðun skulu tekna með málefnalegum hætti. Samningurinn styðst við starfsmannastefnu GRR, tekur tillit til jafnréttissjónarmiða þar sem konur og karlar njóta sömu kjara fyrir sambærileg störf, einnig skal taka tillit til fjölskyldusjónarmiða. Ennfremur skal samningurinn stuðla að því að starfsmenn njóti sömu kjara fyrir sambærileg störf og sambærilega menntun, sbr. bókun 1. Með þessum samningi gerir GRR jafnframt þær kröfur til sérfræðinga sem þar starfa að þeir viðhaldi þekkingu sinni og færni í samræmi við lög um viðkomandi starfsgrein um skyldur til að viðhalda þekkingu sinni og tileinka sér nýjungrar er varða viðkomandi starfsgrein. Í starfsþróunaráætlun sé tekið mið af þessu.

## 3. Grunnröðun í launatöflu

Launakerfi Greiningar- og ráðgjafarstöðvar ríkisins byggir á starfsreynslu sérfræðinga ásamt þeim skilgreindu verkefnum sem þeir taka að sér í samræmi við starflslýsingar sem taka mið af starfsháttum, skipuriti stofnunar og liggja til grundvallar við röðun. Með aukinni starfsreynslu er gengið út frá að þekking og færni aukist á viðeigandi hátt.

### 3.1. Starfsheiti og grunnröðun þeirra

Sérfræðingur 1 tekur þátt í þverfaglegri teymisvinnu við ráðgjöf og greiningu en vinnur undir leiðsögn reyndari sérfræðings. Tímabil þetta varir í 6-12 mánuði eftir mati viðkomandi sviðsstjóra. Nýtur leiðsagnar og verkbundinnar handleiðslu á tímabilinu samkvæmt fyrirfram ákveðinni áætlun um upphafsbjálfun. Sérfræðingur 1 skal raðast í lfl. 6.

SLH  
GB  
CHB  
GLB  
1  
AW

**Sérfræðingur 2** hefur starfað við stofnunina í a.m.k. 6-12 mánuði og vinnur sjálfstætt, ber sjálfur ábyrgð á faglegum gæðum verkefna sinna við greiningu, ráðgjöf og þáttöku í þverfaglegu teymisstarfi. Sérfræðingur er ekki talinn geta starfað með þessum hætti fyrr en eftir a.m.k. eins árs starf við stofnunina eða að hann hefur sambærilega reynslu að mati forstöðumanns og sviðsstjóra. Sérfræðingur 2 skal raðast í lfl. 7.

**Sérfræðingur 3** hefur starfað við stofnunina í amk 48 mánuði eða hefur sambærilega reynslu. Sérfræðingur 3 skal geta tekið að sér undirbúning og umsjón fræðslustarfs, faglegra fyrirlestra, skipulagningu ákveðinna verkþátta og séð um frágang skilagreina. Sérfræðingur 3 skal raðast í lfl 8.

**Sérfræðingur 4** hefur tekið að sér viðamikil og viðvarandi umsjón og ábyrgð á faglegum verkefnum sviðs, svo sem forystu í sérfræðiteymi, stjórnun og skipulagningu verkefna og ábyrgð á fræðslu- og rannsóknarstarfi. Hann skal hafa tvö þrep vegna náms/viðbótarmenntunar sbr. 4.5 og 4.6. eða tvo áfanga til sérfræðiviðurkenningar. Skipan sérfræðings 4 er að frumkvæði sviðsstjóra með samþykki forstöðumanns, enda sé skýrt í starfslýsingu hver hin auknu verkefni og ábyrgð eru. Sérfræðingur 4 skal raðast í lfl. 9.

### **3.2. Starf skorarstjóra**

Sérfræðingur sem einnig gegnir hlutverki skorarstjóra skal fá fyrir þann þátt 3 lfl. til viðbótar.

### **3.3. Helgun**

Forstöðumaður getur gert samning við starfsmann sem gegnir stöðu sérfræðings 4, um að hann starfi eingöngu á stofnuninni, enda krefjist verkefni hans þess. Gildir þetta aðeins fyrir þá starfsmenn sem eru í 100% starfi hjá stofnuninni og skal það metið til 3ja þrepa á meðan það varir.

Grunnröðun í launaflokk er lágmarksröðun. Við röðun starfa innan launaramma skal, umfram það sem tiltekið er í grein 3 hér að framan, taka tillit til atriða sem geta orðið til þess að raða störfum ofar en grunnröðun segir til um. Aðilar eru sammála um að taka beri tillit til atriða í lið 4, 5, 6 og 7 við þá röðun.

## **4-7. Frekari forsendur**

### **4. Fræðsla og menntun**

#### **4.1. Meistarapróf**

Hafi starfsmaður lokið meistaraprófi á sínu sérfræðisviði eða þverfaglegu sviði skal hún metin til 2 launaflokka hækkunar.

#### **4.2. Doktorspróf**

Hafi starfsmaður lokið doktorsprófi á sínu sérfræðisviði eða þverfaglegu sviði skal hún metin til eins launaflokks hækkun.

#### **4.3. Sérfræðiviðurkenning**

Fái starfsmaður sérfræðiviðurkenningu á starfssviði stofnunarinnar, sbr. reglugerðir velferðarráðuneytis, skal hún metin til hækkunar um 1 launaflokk.

2

#### **4.4. Álag vegna grunnmenntunar**

Í þeim faggreinum þar sem krafist er a.m.k 240 ECTS eininga til starfsréttinda skal metið til hækkunar um eitt þrep.

#### **4.5. Álag vegna náms**

Nám sem nýtist í starfi að mati viðkomandi yfirmanns en er ekki hluti af formlegri háskólamenntun sbr. grein 4.1-4.3:

- Nám á háskólastigi sem nemur a.m.k. 30 ECTS einingum, skal metið til hækkunar um eitt þrep.
- Formlegt skipulagt starfsnám sem leiðir til viðurkenningar og skal umfang vera sambærilegt við a.m.k. 30 ECTS eininga háskólanám, skal metið til hækkunar um eitt þrep.

Álag skv. þessari grein getur aldrei hækkað röðun um meira en tvö þrep.

#### **4.6. Önnur viðbótarmenntun**

Hafi starfsmaður aflað sér viðbótarmenntunar með því að sækja námskeið í faginu eða með öðrum skipulegum hætti svo meta megi til ákveðins stundafjölda, enda er ekki um að ræða nám skv. lið 4.1-4.5:

**180** stundir hækka röðun um eitt þrep.

**360** stundir hækka röðun um eitt þrep.

#### **4.7. Akademísk nafnbót hjá háskóla**

Hafi starfsmaður hlotið akademísk nafnbót hjá háskóla skal það metið til hækkunar með eftir farandi hætti: Lektor hækkar um eitt þrep, dósent um tvö þrep og prófessor um þrjú þrep.

### **5. Ábyrgð og verkefni**

#### **5.1. Yfirmaður faggreinar**

Sérfræðingi sem falið er að gegna stöðu yfirmanns faggreinar skal raðað einum launaflokki hærra en ella á meðan hann gegrín þeirri stöðu.

#### **5.2. Fræðsla, þýðingar og útgáfa.**

Þáttaka í reglulegu fræðslustarfi stofnunarinnar telst hluti af starfi sérfræðings. Taki sérfræðingur þátt í þróun og nýsköpun fræðsluefnis, námskeiðs, þýðingu, staðfærslu mæli- og matstækja, sem nýtist stofnuninni skal hann fá eingreiðslu vegna viðbótarálags, samkvæmt reglum forstöðumanns (sbr. gr. 1.3.1 í kjarasamningi viðkomandi stéttarfélags og fjármálaráðherra f.h. ríkissjóðs), sem nemur 1 - 4 mánuðum, eftir umfangi verkefnisins. Forsendur eru að forstöðumaður og sviðsstjóri viðkomandi sérfræðings, hafi samþykkt verkefnið, enda fær sérfræðingur ekki greiðslu fyrir sama verkefni frá öðrum aðilum.



### **5.3. Birtingar**

Vísindarannsóknir, birting fræðigreina á starfssviði stofnunarinnar í ritrýndum tímaritum og kynning fræðilegs efnis á ráðstefnum skal metin til launa. Það er sameiginlegur skilningur aðila að mikilvægt sé að ýta undir rannsóknarstörf, birtingu fræðilegra greina, fræðslu og að fylgst sé með þróun í faginu. Við ákvörðun aukaþóknunar skal hafa hliðsjón af eftirfarandi verkefnaflokkum. Full aukaþóknun skal miðast við launaflokk nr. 4.1 í launatöflu viðkomandi stéttarfélags og fjármálaráðherra f.h. ríkissjóðs.

Erlend fagrit (ritrýnd)

75% fyrsti, 65% annar höfundur, 50% þriðji höfundur, 5% fjórði höfundur eða síðar.

Innlend fagrit (ritrýnd)

40% fyrsti, 30% annar höfundur, 20% þriðji höfundur, 5% fjórði höfundur eða síðar.

Birting greina og bókakafla (ákvörðun ritstjórnar)

30% fyrsti, 25% annar höfundur, 20% þriðji höfundur, 5% fjórði höfundur eða síðar .

Kynningar á ritrýndum ráðstefnum

20% veggspjald, 30% erindi

## **6. Álag vegna tímabundinna viðbótarverkefna**

### **6.1. Pjálfun nema og fóstrun nýráðins sérfræðings á GRR**

Hafi starfsmanni verið falin umsjón með háskólanema í samfelldri starfsþjálfun og viðvera nema sé amk 20 klst á viku skal hann hækka um 1 þrep á því tímabili. Taki sérfræðingur að sér fóstrun nýs sérfræðings, skal hann hækka um 1 þrep á því tímabili, sem viðkomandi sviðsstjóri skilgreinir.

### **6.2. Fagráð og skipuð nefndarstörf**

Taki sérfræðingur þátt í fagráði eða umfangsmiklum nefndarstörfum sem forstöðumaður hefur skipað í skal hann hækka um 1 launaþrep á því tímabili, en 2 launaþrep ef starfsmaður er í forsvari fyrir verkefninu.

### **6.3. Viðbótarverkefni**

Taki sérfræðingur virkan þátt í þróunar-, rannsóknar- og fræðastörfum eða öðrum samstarfsverkefnum sem stofnunin er aðili að og forstöðumaður hefur samþykkt en hafa ekki verið metin í liðum 5.1 - 6.2, skal hann hækka um 1 þrep á því tímabili en 2 launaþrep ef starfsmaðurinn er í forsvari fyrir verkefninu.

### **6.4. Sí- og endurmenntun**

Starfsmaður sem sækir námskeið, fyrirlestra og aðra símenntun sem svarar til 60 kennslustunda á hverju starfsári m.v., 75-100% starf, en 40 kennslustunda fyrir 50-74% starf fær 1 þrepa hækkun fyrir umrætt tímabil. A.m.k. helmingur þess tíma þarf að vera í formi námskeiðs sem tengjast starfssviði starfsmanns.

### **6.5. Annað álag**

Taki starfsmaður að sér aukin verkefni vegna langvinnra fjarvista annarra starfsmanna t.d. vegna námsleyfis, veikinda eða fæðingarorlofs í a.m.k. 4 vikur samfleyytt skal hann hækka um eitt þrep á því tímabili en tvö þrep ef um stjórnun og ábyrgð er að ræða.

*S / J / A / Q / L / D / U  
C / S / D / U* 4

## 7. Starfsaldur

Starfsreynsla sérfræðings skal metin til hækunar á röðun þannig:

- Eftir 6 ára starfsreynslu í faginu hækkar röðun um 1 þrep.
- Eftir 8 ára starfsreynslu á stofnuninni hækkar röðun um 1 þrep.
- Eftir 10 ára starfsreynslu í faginu hækkar röðun um 1 þrep.

## 8. Starfsþróun

### 8.1 Tihliðrun til öflunar sérfræðingsréttinda.

Vegna sérstöðu Greiningar- og ráðgjafarstöðvar telur stofnunin mikilvægt að starfsmenn hafi möguleika á því að öðlast sérfræðingsréttindi. Stofnunin skal leitast við að gera starfsmanni kleift að vinna að sérfræðingsréttindum, m.a. með námsleyfum, sbr. réttindi í kjarasamningi viðkomandi stéttarfélags og fjármálaráðherra f.h. ríkissjóðs og með því að draga tímabundið úr klínísku framlagi til skilgreinds verkefnis. Viðkomandi starfsmaður skal hafa frumkvæði að þessu ferli og getur notið aðstoðar yfirmanns faggreinar og/eða viðkomandi sviðsstjóra.

### 8.2. Einstaklings- og hóphandleiðsla.

Sérfræðingar sem starfa á GRR hafa tækifæri til þess að sækja handleiðslu að þeirra frumkvæði. Handleiðslan skilgreinist á eftirfarandi hátt:

- Sérfræðingur sem hefur starfað 0-36 mánuði á GRR á rétt á reglubundinni handleiðslu sérfræðings sem starfar á GRR.
- Sérfræðingur sem hefur starfað lengur en 36 mánuði á GRR hefur tækifæri til þess að sækja handleiðslu utan stofnunarinnar í samráði við sviðsstjóra.
- Sérfræðingar GRR hafa tækifæri til hóphandleiðslu, sem yfirmaður faggreinar hefur umsjón með.

### 8.3. Ráðstefnur og sérhæfð námskeið.

Sérfræðingar hafa tækifæri til að sækja ráðstefnur eða sérhæfð námskeið innan- eða utanlands árlega eftir því sem fjárhagur og regluleg starfsemi viðkomandi sviðs leyfir. Námskeiðið skal tengjast verksviði stofnunarinnar og í samráði við viðkomandi sviðsstjóra. Sérfræðingur skal vinna með stofnun og hafa frumkvæði að öflun styrkja til slíkra verkefna.

### 8.4. Fræðsla innan GRR

Sérfræðingar hafa tækifæri til að afla sér þeirrar sértæku fræðslu sem er á vegum stofnunarinnar, þ.m.t. fræðslu, námskeið og réttindi á próftæki að eigin frumkvæði og með samþykki viðkomandi sviðsstjóra. Þessi fræðsla skal ákvarðast í samráði við þann eða þá aðila sem stofnunin hefur skilgreint sem ábyrga fyrir viðkomandi fræðsluþáttum.

## 9. Samstarfsnefnd

Um samstarfsnefnd vísast til gr. 11.4 í þeim kjarasamningi sem samkomulag þetta byggir á.



5

## 10. Gildistaka

Samkomulag þetta gildir frá 1. janúar 2014.

## 11. Endurskoðun


Aðilar eru sammála um að endurskoða samkomulag þetta í samræmi við ákvæði í 11. kafla kjarasamnings viðkomandi stéttarfélags og fjármálaráðherra f.h. ríkissjóðs.

Kópavogur, 15.apríl 2014


f.h. Greiningar- og ráðgjafarstöðvar ríkisins


  
Stefán J. Hreidarsson  
forstöðuþámaður

f.h. BHM félaga

  
Veigar Sainson  
f.h. Félags sjúkraþjálfsara

  
Ólafur Þórðarson  
f.h. Félagsráðgjafafélags Íslands

  
G. Þorsteinsson  
f.h. Iðjuþjálfafélags Ísland

  
Hallgrímur M. Ólafsson  
f.h. Fræðagarðs

  
Guðrún E. Gísladóttir  
f.h. Þroskajálfafélags Íslands

# **BÓKANIR með stofnanasamningi Greiningar- og ráðgjafarstöðvar ríkisins og BHM félaga undirrituðum 15.apríl 2014**

**Aðilar eru sammála um eftirfarandi bókanir:**

## **Bókun 1**

Stjórnendur stofnunarinnar munu beita sér fyrir því að við væntanlega sameiningu Greiningarstöðvar við tvær aðrar stofnanir fari fram starfsmat með greiningu á ábyrgð og verkefnum starfsmanna sem ásamt með menntun og reynslu verði nýtt til að tryggja jafnræði starfsmanna varðandi kaup og önnur kjör.

## **Bókun 2**

Framlag stofnunarinnar til kaupa á vinnufatnaði fyrir þá starfsmenn sem eru í návígí við börn skal nema kr. 15.000 á ári.

## **Bókun 3**

Í samningi þessum er gert ráð fyrir 40 st. vinnuviku hjá öllum starfsmönnum.

A cluster of handwritten signatures in blue ink, likely representing the 40 staff members mentioned in the text above. The signatures are cursive and vary in style.